

## Friher waor alles besa



- Isch bin uff emm hohe Ross gsesse.
  - Isch häb ä Frao vun Stand mit erre grouße Aussteier gheiert.
  - Un häb ao noch ä Maitresse verhalte därke.
  - D'Finger häw isch mer net dreckisch gmacht, dodävor häw isch mei Leit ghat.
  - Geje de Dorscht häw isch Wei statt Wasser getrunke.
  - Denke häw'i nix gmesst, des hot mein hochwohlgeborene Ferscht gmacht.
  - Isch häb mit Schwert un Lanze gekämpft – Lese und Reschle häw isch dodäzu net gebraucht.
- Isch häb Reh, Hase, Wildsei un Fasane gjagt un gesse, groad wie mer's eigfalle isch.
  - En de Kersch bin i vorne drao ghockt, dass misch de liewe Gott jo net iwersieht.
  - En de Himmel bin'i dann kumme, weil isch de Kersch en Acker vermacht häb.



- Isch häb vun mojens bis oweds geschafft, un mei Kinner sen trotzdem halwer verhungert.
  - S'ganze Johr sen die barfiesisch rumgloffte un häwe sisch em Winter die Zehe abfroare.
  - Vor mein edle Ritter häw isch Frondienschte gmacht – Uff meim Acker isch en derre Zeit s'Hoi verreckt.
  - Mei Frao hot mi bloss gnumme, weil isch Dapschädl oani uhne Aussteier heire gmesst häb.
  - De Hase un de Reh häw'i zugucke misse, wie sie mei Frucht gresse häwe, blouß die Ratte häw isch jaare därke.
  - Weil i net jedes Joar meinere Frao ä Kind gmacht häb, hot mir de liewe Gott zur Strof Hagel und Dunner geschickt.
  - Wu mei Mariele vum Ferscht seim Sunn ä Gschenk Gottes kriegt hot, hot sie koaner meh heiere wolle.
- Wu isch misch beim Ritter bschwert häb, hot der gsoat, isch bin udankbaor vor sei Wohltate.
  - Wu isch misch beim Hochwürde beschwert häb, hot der misch getröschd, em Jehnseits dät isch vor alles Schwere uff Erde belohnt wärr.
  - Mei Kinner sen sou aorm gwesst, dass sie mir uff em Doutebett s'Hemm und die Hous wegnumme häwe – isch häb senne gegännt, gebraucht hä wisch die Lumpe eh nimmi.

**Liewer Leser, zu wellere Sort Mensch hädschen Du ghört?**